



東坡續集目錄

第一卷

古詩一百六十五首

靈上訪道人不遇

北歸次韻

送別

黃州

古風

陝州復授亭吏遊三遊洞

無題

送淡公二首

上韓持國

琴枕

常山贈劉鎡

遊杭州山

穆父新涼

惠州追錄訪慶老不見

古意

次子由詩相慶

用定國韻贈二十姪震

次正輔和慰鼓盆勸學佛

聞潮陽吳子野出家

呂公事借示古今書軸

補唐文宗柳公權聯句

食檳榔

古雜別送蘇伯固

次韻曾直書伯時登玉摩詰

試筆

雷州八首

五色菊贈朱遜之次韻

妬佳月

追和沈遼頌贈南華詩

夢雪

雪林硯屏學魯直同賦

次韻黃魯赤目

寄子由

廣州何道士衆妙堂

贈謙師來壽星設茶

琴枕

申王畫馬圖

奉和成伯大雨中會客解朝

和公濟飲湖上

贈僧

贈周教授索枸杞呈蕭大夫

次韻董夷仲茶磨

送公為遊淮南

謝蘇自之惠酒

西山戲題武昌王居士

戲和正甫一字韻

池王一首

贈仲素寺丞歸隱潛山

韻謝次魯直餽雙井茶

揚州以土物寄少游

贈晏秀才

再過泗上二首

贈李兗齊威秀才

次韻謝子高續淵明傳

龐公

食雉

郭綸

捷為王氏書樓

夜泊牛口

舟中聽大人彈琴

江上看山

屈原塔

新灘

昭君村

蝦蟆塔

寄題清溪寺

荆門惠泉

荆陽早發

漢水

隆中

鱒魚

永安宮

諸葛盪井

許州西湖

送呂行甫司門倅河陽

雙鳧觀

初發嘉州

過宜賓見夷中亂山

牛口見月

泊南牛口期任遵聖不見

留題仙都觀

次韻謝和西山詩

新灘阻風

黃牛廟

留題涿州甘泉寺

泉老名食阻雨

次韻答張都官和惠泉詩

夜行觀星

萬山

竹葉酒

望夫臺

八陣墳

款大夫廟

江上值雪效歐陽體限

諸宮

神女廟

觀大水望朝陽岩作

柏家渡

書堂與

醉睡者

老翁井

觀子玉郎中草聖

次韻水官詩

題李伯時淵明東籬面

數日前夢一僧出鉢求詩

大雪獨留尉氏

留別劉通元弼垣夫

和寄天選長官

顏闔

贈狄宗班季子

盧

樓雲篇

繫父韻送之道人游隱靜

夜坐與邁聯句

出峽

巫山

滄州亭懷古

清遠舟中寄耘老

次韻寄臘梅韻

戲用子舟畫兩竹鸚鵡

贈山谷子

鱖魚行

吊徐德占

李白謫仙詩

飲酒四首

阮籍蒲臺

憩耘老溪亭題所

昭陵六馬

送朱壽昌使蜀七首

題盧鴻學士堂面

寄周安孺茶

游山呈通判奉議馬寄參家師

次韻曾直戲贈

寄傲軒

揄槐竹柏各一首

題雪龍州堂石壁

巖顏碑

和子由除日見寄

第二卷

律詩一百七十九首

過巴東縣不泊聞有萊公遺跡

戎州

奉和凝祥池

正月十四夜危樓端門觀灯三絕

光祿庵二首

過木樨觀

觀開西湖次吳左丞韻

渝州寄王道祖

安樂山木葉如道士篆符二首

涪州得湖山

夷陵縣歐陽永對至喜堂

馬融石室

題贈田辨之琴姬

重九謁損之茶話留小詩

問淵明

朱衣墓

峴山

嶧山

次韻范純父送秦少章

白帝廟

見魯人孔宗翰題詩二首

奉和顏對萬壽觀

獲鬼章二十韻

過通判曹仲錫飲書懷兩絕

和喜雨

荊州十首

平山廟上下數十里烏鳧

入峽

代書寄桃山居士張照可

遊湖上諸寺謁損之留詩

李鈗輅坐上分題戴花

四十年前元夕與故人夜遊得此句

戲孫公素

次韻答劉景文和順閣梨詩

南康望湖亭

半山亭

偃耳山

復過虔州再次前韻

次韻聞復上人

宋復古畫滿湘晚景圖三首

儋州二首

海上道人傳以神守氣訣

燈花落僧字上口占

贈包安靜先生三首

杭州次周燕韻游天竺激水

過海得子由書

次元伯固仲蒙游七宝寺

泗洲過倉中劉景文老兄戲贈一絕

戲題巫山縣用杜子美韻

初貶英州過杞贈馬夢得

答吳以道索書

大老寺竹間閣子

啗將軍樹荔枝

贈何道士

和廬山上人竹軒

歎寒來享

觀臺

吳江岸

朝子由

無題

元祐九年立春

扶風天和寺

再贈常州報恩長老

聞洮西捷報

三萼牡丹

聞太皇太后不豫有赦作詩

題李景元畫

謝惠雲巾方鳥二首

上元過子赴使君會

偃耳寄子由

謝惠李永晏墨

寄定武同寮

李季吹笛

書惠崇畫二首

次徐得之同舟至山陽詩別

書黃筌畫翎毛花蝶圖二首

次韻王定國相留夜飲

歛硯

秋晚客興

陳伯比和回字復次韻

廣陵後園題申公扇子

山光寺回次之上人韻

游西庄遇齊道人同往早堂

寒食夜

荅子勉三首

送楊奉禮

別東武流杯

走筆謝呂行甫惠子魚

次韻聞孔周翰之東武二首

送穆越州

贈葛羣

雨二首

次韻送杭州周介卦闕

訪詹使君食提牙冷淘

示過

焦坑寺

贈慶州慈雲寺鑿老

和方南圭寄詩周文之三首

壺中九華詩

留別登州舉人

過海

過嶺寄子由三首

歌白塔鋪

嘗天門冬酒

宿長安驛聞泣者甚怨詩贈楊者

贈人

姝麗僕不肖開樽

觀湖二首

寄高令

獄中寄子由二首

出獄次前韻

詩送交代仲達少卿

第五橋

和林子中待制

和吳安持使者迎駕

次韻張甥崇美書眠

惠州贈西湖諸友

曾元恕游龍山呂穆仲不至

游普門寺懷子由

和子由次王鞏韻

寄子由

次韻馬元賓

卜居毘陵次完夫再贈韻

九日素公濟有詩次其韻

康鳴宴

真興寺閣禱雨

送蜀僧去塵

黃河

少飲公瑾舟中

偈耳

荅李端州

和參寥見寄

奉和陳賢良

夜直秘閣呈王敏甫

次韻參寥寄少游

題潭州徐氏春暉亭

講書臺南有感

重遊終南子由次詩見寄次韻

子由欲得驪山沉泥硯

和晁美叔

病中邀安國清成伯主會

東園

秋興三首

題永村會老堂

謝曹子方惠新茶

贈仲勉子文

題寶雞縣斯飛閣

次韻子由彈琴

絕句一百五十三首

再次前韻三首

次韻參寥詠雪

移合浦郭公甫見寄

惠州一絕

過子以山芋作玉糝羹

寄郭功父觀余舊本雪鵲

儋耳四絕句

酌菩薩泉送王子之

答海上翁

和人回文五首

嵇紹似康

過太行

送佛面杖與羅浮長老

次韻功父觀余畫雪鵲有感三首

復官北歸再次前韻

蜀僧明操思歸龍丘子書壁

舉舊詩次八韻呈墨雲秀

占山亭

題懷素草帖

與王郎夜飲井泉

子玉詩邀遊金山

次韻景文山堂聽琴三首

成伯席上贈所出妓

宿余夢中得詩錄示民師

陸蓮庵

壽陽岸下前一首

戲贈萬守約遊岑公洞二首

憇窳圖

雨中明慶賞牡丹

贈僧思誼

次韻送遠

戲成伯求酒數酌

又答檀帳

送范德孺

錄潤州道上過除夜詩付過

戲答王都尉傳柑

遊中峰杯泉

送柳宜歸

寒具

雨夜宿淨行院

過黎君郊居

太夫人以無咎生日置酒

名伯梵行寺山茶

洗兒

戲劉監倉求米粉餅二首

次韻元翰少卿惠茶

謝都事惠米

別公擇

恭家惠楊梅

送惠州監押

贈王觀

次韻伯固可復開鏡湖

奉和成伯兼戲禹功

病後醉中

夢中絕句

歲春塢三首

擷菜

絕句

書寄韻

常州太平寺蒼藟亭

題靈惠院辟醉僧

此君軒

謁敦詩先生因留一絕

絕句三首

絕句二首

送柳子玉至靈山

贈江州景德長老

元祐癸酉書贈王觀

遊靈隱寺贈李居士

過文覺顯公房

題淨土院淡黃牡丹

次韻觀子美病中作

留別廣陵擇老

呈定國

破茶詩後

次韻章子厚飛英留題

雜詩二首

讀漢書儒林傳感申公故事

聞捷

秋思寄子由

散郎亭

春夜

讀開元天室遺事三首

謝惠猫兒頭筆

同景文詠蓮塘

書望洪亭壁

和叅寥

常州太平寺觀牡丹

睡起

碣石庵戲贈湛庵主

侯灘

火星巖

過泗上喜見張嘉父二首

題淨因壁

睡起

次韻公擇病不赴于羨台

醉題信老方丈

竹枝詞

寄歐州弼

絕句

過士山寨

琴詩

驪山絕句三首

軒窓

雙池

魚

桃花

杏

題淨因院

和黃龍清老三首

書辨才白雲堂壁

韓康公坐上待兒求書扇

短橋

曲檻

荷花

牡丹

李

梨

棗

石榴

槐

檜

六言四言二十首

跋張君弼課冊

孟嘉解朝

戲之夢中論馬用吃字

和陶詩一百二十首

追和陶淵明詩引

和勸農

和歸田園居六首

酬劉將軍

和王撫軍座送客

形贈影

神釋

九日閑居

歲暮作和張常侍

示周緣祖謝和游學舍

和連雨獨飲二首

櫻桃

檉

松

柳

龍山捕亡

憶江南寄純如五首

惠崇畫鴈

和時運

和停雲

五月旦日作和戴主簿

與殷晉安別

和荅龐參軍

影荅形

怨詩示龐主簿鄧治中

和移居二首

和郭主簿二首

和荅龐參軍

和贈羊長史

和乞食

和兒子過同遊斜川

和癸卯歲懷古田舍二首

和止酒

和始作鎮軍叅軍經西阿

和丙辰歲下濕田舍穫

還舊居行途中作口號

和詠三良

和讀山海經十三首

和擬古九首

集歸去來詩十首

和桃花源詩

和劉柴桑

歌詞二十九首

竹枝歌

鳴泉思

羨哉送帝城簿歐陽居

次韻張兼道同視新河首

老人行

仙都山廡

和湖西曹示顧賊曹

和己酉歲九月九日

和飲酒二十首

還舊居和夢歸白鶴山居

和庚戌歲西田穫早稻

和乙巳歲為建威叅軍

和詠二疎

和詠荆軻

和雜詩十一首

和東方有一士

和貧士七首

和歸去來兮辭

山坡陀行

輾轆歌

辨道歌

陳守道

襄陽樂府三篇

白鶴吟留鍾山覺海

虛飄飄三首

次韻張揚崇美述志

古賦八首

老饕賦

菜羹賦

颯風賦

思子臺賦

延和殿奏新樂賦

明君可與為忠言賦

快哉此風賦

復改科賦

第四卷

書簡一百九十五首

與李方封四首

與陳公密三首

與徐仲車

與吳秀才

與袁正判官

與毛澤民推官二首

與陳輔之

與溫公

與魯直二首

與陳傳道五首

與龐安常

與王敏仲八首

與鄭靖老二首

上韓昭文

與李廷評

與黃敷言二首

與陸固朝奉

與謝民師推官二首

與黃洞秀才二首

與滕達道二十三首

與朱康封十七首

與胡深夫五首

與朱行中舍人四首

與李之儀五首

與馮祖仁四首

與黃師是

與廣西憲曹司勳五首

與晦夫

與范夢得八首

與李無悔

與李公擇

與程懷立

與孫村靜七首

答劉貢父二首

答曾子宣三首

與李公擇

與姜唐佐秀才六首

與傅維嶷秘校四首

與林天和長官二十七首

與張朝請五首

荅漢卿

謝呂龍圖三首

與楊濟甫

荅王龍圖

與楊濟上用

與蒲誠之六首

與楊濟甫

荅楊濟甫二首

與楊濟甫

荅寶月大師二首

與大覺禪師理公

荅范夢得二首

與郭功父五首

第五卷

書簡一百九十八首

與康公操都官三首

荅楊君素

與楊濟甫

與周開祖

與何浩然

荅水陸通長老五首

答陳履常二首

與王慶源二首

答富道人

答蜀僧幾演

答張主簿

與眉守黎希毅三首

答范蜀公

與蒲廷淵

與范子豐六首

與參寥

與鮮于子駿三首

與歐陽仲純五首

答呂熙道二首

與道甫

與程得聖秘校二首

與樂推官

答范蜀公四首

答通禪師

與王慶源

與陳季常九首

答程彞仲二首

答金山寶覺禪師

答周開祖

與人

與人二首

答李才元

答晁封美二首

與晁君成

答王慶源

與文與可三首

與何正道教授三首

答周開祖二首

答范純夫

與孫子思七首

與人

答李昭玘

答言上人

答道源秘校

答李寺丞二首

答吳子野四首

與李公擇二首

答湖守刁景純二首

答蘇子平先輩二首

與蔡景繁十四首

與吳子野二首

與錢道宣義

與江惇禮秀才五首

與徐司封

答湖守勝達道

答陳季常三首

與錢世雄

答任德翁

與周主簿

與知郡朝散

與文郎

與楊元素八首

答上官長二首

與人

與巢元脩

與千乘姪

與蒲傳正

與子明兄

與子安兄

與王元直

答王通秀禪師

答玉月大師三首

答趙昶晦之四首

與襄序辰四首

答濠州陳章朝請二首

與徐得之十首

答程叟仲推官二首

答君瑞殿直

與景倩

與趙仲備

與人二首

與孟亨之

與何聖可

與毛維瞻

與劉詭之

代夫人與福應真大師

答開元明座主二首

與無擇老師

與清隱老師二首

與人

與金山佛印禪師

與王文甫

與王慶源

第六卷

書簡二百二十七首

與楊元素二首

與胡道士

與人

與佛印禪師三首

答曹員老四首

與千之姪

與潘明

與開元明師五首

答王定國三首

答靈鷲遊老二首

答楊元素

與楊康功

答姚秀才三首

答王慶源二首

答潘老明二首

與子安兄二首

與鄉人

與潘彥明四首

與王慶源二首

答佛印禪師

與王文甫三首

與運判應之

與范子功二首

與知縣十首

與人二首

與張正已

答李方州

與王慶源三首

答劉真父

與楊元素二首

與李端伯寶文三首

答吳天明主簿二首

與楊君素二首

答龐安常二首

答李方洲三首

與李端州

與范純父

與浴室用公

與范蜀公六首

與張太保安道

答呂元鈞三首

與千之姪

與黃州故人

答程懿叔

與王之國

與李伯時

與辨才禪師三首

與張元明二首

與家復禮

答王慶源

與潘明二首

答聞復上人

與大覺禪師璉公二首

與承天明老五首

與孫正孺二首

答王聖美

與王慶源之子

答楊禮先三首

答劉元忠三首

與引伴高麗練承議三首

與程懿叔二首

與趙德麟二首

與大別才老三首

與佛印禪師三首

與王元直

答青州張秘校

與王正夫朝奉二首

與湖守王朝請滌二首

與吳子野

與佛印禪師二首

與趙麟二首

答參寥二首

與范純父侍郎二首

與孔毅父二首

答趙德麟二首

與范子功四首

答潘彥明

答趙德麟三首

與王賢良

與子安兄四首

與子由

答范純父

與錢濟明二首

與開元明師二首

與張元明二首

答劉無言

與程德孺

答張嘉父

答龜山長老四首

答王定國二首

與辨才禪師

與道濟二首

與明父權府提刑

與范純夫四首

與人三首

答李方對六首

與鞠持正二首

與人三首

答楊濟甫

與聖用弟三首

與參寥

與孫子發二首

與孫子發二首

與任德翁

與黃元翁

與孫子發三首

答錢濟明三首

答徐得之二首

答吳秀才

第七卷

書簡一百八十首

答參寥二首

答王商老

與程正輔提刑二十四首

答王敏仲四首

與蕭朝奉

與僧守周文之二首

與李大夫

答南華辨禪師五首

與程天侔七首

與廣東提舉蕭大夫二首

與范純夫

答王莊封二首

與封守朱朝請二首

與周文之二首

與人

與史氏太君嫂

答劉元忠

答程全父推官六首

與鄭嘉會二首

與楊濟甫二首

與范元長八首

與楊子微二首

與孫封靜三首

與朱行中舍人六首

與惠州都監

與林濟甫二首

答王敏仲

答程天侔三首

與僧隆賢二首

與元老姪孫四首

與秦少游

與范元長六首

缺一葉

與歐陽晦夫

答陳承務二首

答錢濟明三首

與錢志仲三首

與寇君

與宋漢傑二首

與外生柳闕

答慶人王正亮先生

答清涼長老

答廖明略二首

答蘇伯固

答明道師

與黃師是三首

與馮祖仁三首

答孔毅父

與米元章九首

與徑山長老惟琳二首

第八卷

序九首

八境圖後序

送人序

答南華明老三首

答蘇伯固三首

與劉器之

與人二首

與胡郎仁脩三首

與人二首

與程德孺運使三首

答錢濟明三首

答孔毅夫二首

答王幼安三首

與李公

與子由二首

與郭功甫二首

答畢先輩

與錢濟明三首

聖散子後序

送水丘秀才序

觀宋復古畫序

獵會詩序

講田友直字序

送張道士序

江子靜序

論三十二首

儒者可與守成論

物不可以苟合論

士燮論

宋襄公論

屈到嗜艾論

續歐陽子朋黨論

龍虎鉛汞論

上張安道養生訣論

論武王

論養士

論秦

論魯隱公

論隱公里克李斯鄭小同王允之

論管仲

論孔子

論周東遷

論范蠡伍子胥大夫種

論商鞅

論封建

論始皇漢宣李斯

論項羽范增

論好德錫之福

論鄭伯克段于鄆

論鄭伯以璧假許田

論取郟大鼎于宋

論齊侯衛侯胥命于蒲

論禘于太廟用致夫人

論閏月不告朔猶朝于廟

論用郊

論會于澶淵宋災故

論黑肱以濫來奔

論春秋變周之文

第九卷

策問五首

禹之所以通水之法

天子六軍

備廢官舉逸民

休兵久矣而國用益困

閔隴游民私鑄錢與江淮漕卒為盜之由

策問五首

策問三首

私試策問一首

擬殿試策問一首

南省說書十道

左傳三道

穀梁四道

公羊三道

易解

奏議九首

郊祀奏議

論時政狀

辨謗劄子

縣榜

舉黃庭堅自代狀

舉劉景文狀

舉趙德麟狀

赴英州乞舟行狀

奏乞封太白山神狀

治道二首

道德

表狀五首

代晉寧王賀冬表

代滕達道景靈宮奉安表

上皇太后賀正表

擬作

代侯公說項羽辭

制誥二首

元祐元年九月六日明堂赦文

樂語六首

刑政

謝御膳表

上皇帝賀冬表

擬孫權答曹操書

元祐三年六月德音赦文

集英殿春宴教坊詞

黃梅樓致語

王氏生子致語

齋日致語

趙倅成伯母生日致語

寒食宴提刑致語

第十卷

頌九首

英宗皇帝御書頌

油水頌

食豆粥頌

禪戲頌

醉僧圖頌

東坡羹頌

猪肉頌

荅子由頌

荅孔子君頌

贊五十首

李端刺傳神贊

三笑圖贊

李西平畫贊

醉吟先生畫贊

夢作司馬相如求畫贊

東莞資福寺再生柏贊

題三國名臣贊

忠懿王贊

李伯時所畫沐猴馬贊

文與可枯木贊

叔月圖贊

如來出山相贊

畫佛贊

廣惠禪師真贊

篆般若心經贊

畫西方阿彌陀佛贊

六觀堂贊

勝西蓋公堂呈照詳贊

元季子真贊

鬪髻贊

十八大阿羅漢贊七首

捕魚圖贊

馬祖龐公真贊

玉嵩陽行先生真贊

傅大士贊

普照王贊

孫光法師真贊

醴泉觀大師真贊

清都謝道士真贊

李伯時作老子新沐圖贊

辨才大師真贊

應夢觀音贊

羅漢贊

銘三十四首

孔毅甫鳳味石硯銘

魯直所惠洮河石硯銘

故人王願自然端硯銘

楊次公承浮屠銘

裙靴銘

周文煥瓢硯銘

王定國硯銘二首

雪浪石盆銘

谷菴銘

德威堂銘

文勛篆銘

荃枯骨銘

卓錫泉銘

枕柳菴銘

石塔戒衣銘

叅寥泉銘

夕庵銘

何公橋銘

廣心齋銘

十二琴銘

震陵孤桐

香林八節

獅鍾

玉磬

松風

古媧黃

南風

歸鶴

秋風

漁樵

九州璜

天球

唐陸魯望硯銘

天石硯銘

惠州李氏潛珮閣銘

啓六十二首

求婚啓

定州到狀

謝韓舍人啓

穎川謝運使啓

荅漕使啓

上執政謝獎啓

謝王內翰啓

上留守宣徽啓

謝交代趙祠部啓

賀孫樞密啓

上監司謝禮上啓

回列郡守倅啓

賀列郡知通賀冬啓

賀隣帥監司年節啓

回列郡守倅賀年啓

謝監司啓二首

賀高陽王待制啓

賀青州陳龍圖啓

謝憲生日詩啓

謝求婚啓

賀正啓

賀冬啓

賀正啓

謝孫舍人啓

謝呂學士啓

荅新蘇州黃龍圖啓

賀提刑馬宣德啓

荅曾舍人啓

荅秀州胡朝奉啓

上綿州太守啓

賀蔣發運啓

荅杭州交代林待制啓

荅臨江軍知軍啓

賀年啓二首

高麗大使遠迎啓

副使啓

謝大使土物啓

謝管設大使啓

副使啓

謝副使啓

罷登州謝社宿州啓

荅陳提刑啓

賀新運使張大夫啓

回谷館職啓

荅喬舍人啓

謝石史啓

賀時宰啓

及第後謝秋賦試官啓

謝應中制科啓

下財啓

荅求親啓

與適承親啓

徐州謝隣郡陳彥升啓

湖州上監司先狀

回同官先狀

黃州還回太守畢仲遠啓

杭州與莫提刑啓

回蘇州黃龍圖啓

代賀歐陽樞密啓代大中

杭州到狀

賀王發運啓

第十一卷

書三十七首

上神宗皇帝書

上皇帝書

代張方平諫用兵書

上皇帝書

上韓魏公乞堯叟董傳書

與劉宜翁書

上王兵部書

上王刑部書

與佛印禪老書

謝歐陽內翰書

謝范舍人書

上梅龍圖書

上荆公書

上韓樞密書

上呂相公書

上呂僕射論浙西災傷書

上執政元度牒脩解字書 與章子厚書

與王庠書 又二首

答陳季常書 與吳秀才書

與謝民師推官書 與孫知損運使書

與王定國書 與李方村書

上知府王龍圖書 答劉臣濟書

與孫運句書 與葉進對書

答范景山書 答參寥書

答李康年書 答野堯文書

答陸道士書 答孫志康書

第十三卷

記二十五首

勝相院經藏記

慶州崇慶禪院新經藏記

密州通判廳題名記

畫水記

張龍公祠記

刑秦篆記

秦大虛題名記

獎諭勅記

潮州脩韓文公廟記

方丈記

野史亭記

遺愛亭記

傅神記

熙寧手詔記

應夢羅漢記

觀妙堂記

法雲寺禮拜石記

醉鄉記

睡鄉記

淮陰侯廟記

靜常堂記

趙先生舍利記

北海十二石記

子姑神記

天篆記

傳七首

僧圓澤傳

杜慶士傳

萬石君羅文傳

江瑤柱傳

黃甘陸吉傳

葉嘉傳

溫陶君傳

碑二首

表忠觀碑

宸奎閣碑

祝文二十九首

告文宣王文

告顏子文

告五嶽文

秋賽二首

杭州禱觀音祈晴文

謝觀音晴文

祈晴文

謝晴文

奠祈雨文

謝雨文

祈雪霧猪泉

祈雪文

祭勾芒神文

祭佛陀波利文

祭常山神文

祭泗州塔文

禱龍水文

祈晴文

墓誌銘四首

李太師墓誌

朱太師墓誌

劉夫人墓誌銘

朝雲墓誌

偈十二首

十二時中偈

無相菴偈

送海印禪師偈

南屏激水偈

布袋和尚像偈

木峰偈

寒熱偈

佛心鑑偈

戲菴佛印偈

養生偈

送僧應訖偈

王晉卿生前圖偈

箴一首

東交門箴

東坡續集目錄終

東坡續集卷第一

古詩

花光紅滿欄。草色綠無垠。不遇青眼人。長歌白石澗。

送淡公二首

燕本冰雪骨。越淡蓮花風。五言雙寶刀。聯響高飛鴻。翰苑錢舍人。詩韻鏗雷公。識本不識淡。仰詠嗟無窮。清韻生物表。朗玉傾壺中。常於冷竹坐。相語道意冲。崧洛興不薄。稽江事難同。明日若不来。我作黄石翁。何以兀其心。為君學虛空。

分明是字
顛滾盤珍
洙之入意
心腹

淵海之句
等於雲水

坐重青草心。意合滄海濱。渺渺獨見水。悠悠不聞人。
鏡浪洗手涼。剡花入心春。雖然防外觸。眼前遠衣新。
行當譯文字。慰此吟慙懃。

北歸次韻

秋風捲黃落。朝雨洗深淨。人貪歸路好。節近中原正。
下嶺獨徐行。艱難一作未敢忘。遙知村孫子。已致魯諸生。

上韓持國

韓氏三席秉樞極。中有一席似偉節。端居隱几學無
心。夙駕入朝常正色。犯時獨行太喂囁。回天不忌真
藥石。輦致歸來荷二聖。推排使至有衆力。吾儕小人
但飽飯。不有君子何能國。西湖醉卧春水船。如何為
人作豐年。

送別

鴨頭春水濃如漆。水面桃花弄春臉。衰翁送客水邊
行。沙襯馬蹄烏帽點。昂頭問客幾時歸。客道秋風落
葉飛。繫馬綠楊開口笑。傍山依約見斜暉。

琴枕

清眸作金徽。素齒為玉軫。響泉竟何用。金帶常苦窘。
爛斑漬珠淚。宛轉堆雲鬢。君若安七絃。應彈卓氏引。

仙句

黃州

南山一尺雪，雪盡山蒼然。澗谷深自暖，梅花應已繁。
使君厭騎從，車馬留山前。行歌招野叟，共步青林間。
長松得高蔭，盤石堪醉眠。祇樂聽山鳥，携琴寫幽泉。
愛之欲忘返，但苦世俗牽。婦來始覺遠，明月高峰顛。
常山贈劉鑑

古風

精神洞元化，白日昇高旻。俯仰凌倒景，龍行速如神。
半道過紫府，弭節聊逡巡。金床設寶几，璀璨明月珠。
仙者二三子，眷然骨肉親。飲我霞石盃，放盃恍如春。
遂朝玉虛上，冠劍班列真。無端拜失儀，放棄令自新。
雲霄難遽返，下土多埃塵。淮南守天庖，嗟我復何人。

遊杭州山

山平村塢迷，野寺鐘相答。晚陰失林莽，一作落日猶
在塔行招兩社僧，共步青山月。送客渡石橋，迎客出
林樾。幽尋本真性，往事聽徐說。錢王方壯年，此邦事
輕俠。鄉人鄙貧賤，異類識英傑。立石像興王，遺址今
岌岌。功勳三吳定，富貴四海甲。歸來父老歲，崇高畏
傾一作輕。壓詩人工譏，病此欲恣挑。抉流傳後世人，談

笑資口舌是非今已矣興廢何倉卒持歸問禪翁笑
指浮漚沒

遊三遊洞遊洞之日有亭吏乞詩既為留
三絕句於洞之石壁明日至峽州吏又至
意若未足乃復以此授之

一徑遶山翠紫紆去似蛇忽驚溪水急爭看洞門呀
滑磴攀秋蔓飛橋踏古槎三扉迎北吹一穴向西斜
歎息煙雲去追思歲月遐唐人昔未到古俗此為家
洞暖無風雪山深富庶猴相逢衣盡草環坐髻應髮
竈突依蟻黑樽罍就石窪洪荒無傳記想像在犧媧

此事今安有遺蹤我獨嗟山翁勸留句強為寫槎牙

穆父新涼

家居妻兒踈。出仕猿鶴怨。未能逐什一。安敢博九萬。
常恐樗櫟身。坐纏冠蓋蔓。受恩如負債。粗報乃焚券。
但知眠牛衣。寧免刺虎圈。清風來既雨。新稻香可飯。
紫螯應已肥。白酒誰能勸。君今崔蔡手。政比張趙健。
三公行可致。一語自先獻。幸推江湖心。遠我魚鳥願。

無題

引手攀紅櫻。紅櫻落如線。仰首看紅日。紅日走如箭。
年光與時景。頃刻互衰變。何當血肉身。安得常強健。

人心苦執迷富貴憂貧賤憂色常在眉歡容不上面
吾今頭半白把鏡非不見惟應花下盃更待他人勸
十一月三日與幾先自竹西來訪慶老不
見獨與君卿供奉蟾知客東閣道話久之
惠州追錄
卷卷長廊走黃葉席簾垂地香烟歇主人待來終不
來火紅銷盡灰如雪

古意

兒曹鞭笞學官府翁憐兒癡旁笑侮翁出坐曹鞭復
呵賢於群兒能幾何兒曹鞭人以為戲公怒鞭人面
派地等為戲劇誰復先我笑為翁兒更賢

次子由詩相慶

我似老牛鞭不動雨滑泥深四蹄重汝如黃犢却走
來海闊山高百程送庶幾門戶有八慈不恨居隣無
二仲他年汝曹笏滿床中夜起舞踏破甕會當洗眼
看騰躍莫惜癡腹笑空洞譽兒雖是兩翁癖積德已
自三世種豈惟萬一許生還尚恐九十煩珎從六子
晨耕筆瓢出衆婦夜緝燈火共春秋古史乃家法詩
筆離騷亦時用但令文史還照一作世糞土腐餘安
足夢

用定國韻贈二十姪震

衡門老蒼蘚。行栢千兵屯。開樽邀落日。未對烏鳥言。
清風舉吹籟。散亂書秩翻。傳呼一何急。人馬從車奔。
貧居少賓客。隣婦窺籬藩。牆頭過春酒。綠泛田家盆。
比來伏青蒲。坐授白獸樽。王猷修潤色。亦有簿領煩。
朝廷貴二陸。屢聞天語溫。猶能整筆陣。媿我非韓孫。

正輔既見和復次前韻慰鼓盆勸學佛

稚川信

真一作

長生少

從鄭君游孝章偶不死免為文

舉憂餘齡會有遇

遣一作

獨往豈相攸由來警露鶴不

羨撮齋鷓頭加視後鞭同駕濁空朝寧飡脫齒董勿

憶齊眉羞何時遂縱壑歸路同首丘東岡松柏老西
嶺橘柚秋着意尋彌明長頸高結喙無心逐定遠燕
領飛帟頭君方卒功名一泛范蠡舟我亦霑霑渥漸
解鍾儀囚寧湏張子房萬戶自擇留猶勝嵇對夜孤
憤甘長幽南囚可寄傲北山早歸糧此語君勿疑老
彭躋商周

聞潮陽吳子野出家

子昔少年日氣蓋里閭俠自言似劇孟叩門知緩急
千金已散盡白首空四壁烈士歎暮年老驥悲伏櫪
妻孥真弊屣脫棄何足惜四大猶幻塵衣冠矧外物

一朝發無上願老靈山宅世事子如何禪心久空寂
世間出世間此道無兩得故應入枯槁習氣要除拂
丈夫生豈易趣舍志匪石當為師子吼佛法無南北
呂倚夢得承事借示古今書一軸作詩代
跋尾倚年八十一

楊雄老無子馮衍終不遇不識孔方兄但有靈照女
家藏古今帖墨色照箱篋飢來據空茶一字不堪煮
枯腸五千卷磊落相撐拄吟為蛸蛸散時有蟲可句
為語里長者德齒敬已古如翁有幾人薄少可時助
補唐文宗柳公權聯句

人皆苦炎熱我愛夏日長薰風從南來殿閣生微涼
一為居所移苦樂永相忘願言均此施清陰分四方
宋玉對楚王此獨大王之雄風也庶人安得而
共之譏楚王知己而不知人也柳公權小子與
文宗聯句有美而無箴故為之成其篇云

食檳榔

月照無枝林夜棟立萬礎眇眇雲間扇蔭此九月暑
上有垂房子下繞絳刺禦風欺紫鳳卵雨暗蒼龍乳
裂包一墮地還以皮自煮北客初未諳勸食俗難阻
中虛畏泄氣始嚼或半吐吸津得微甘著齒隨亦苦

面目太嚴冷滋味絕媚嫵誅彭勳可策推較勇宜賈
瘴風作堅頑導利時有補藥儲固可爾果錄誑用許
先生失膏梁便腹委敗鼓日啖過一粒腸胃為所侮
蟄雷啟臍腎藜藿腐亭午書燈看膏盡鉅漏歷歷數
老眼怕少睡竟使赤牝勞渴思梅林燕飢念黃獨舉
奈何農經中收此困羈旅牛舌不餉人一斛肯多與
乃知見本偏但可酬惡語

古離別送蘇伯固

三度別君來此別真遲暮白盡老鬢鬚明日淮南去
酒罷月隨人淚濕花如霧後夜逐君還夢遶湖邊一作

江路

次韻魯直書伯時畫王摩詰

前身陶彭澤後身韋蘇州欲覓王右丞還向五字求
詩人與畫手蘭菊芳春秋又恐兩皆是分身來入流

試筆

子石如琢玉遠煙真削鬣入我病風手玄雲淪淒淒
是中有何好而我喜欲迷既似蠟屐阮又如鍛柳嵇
醉筆得天全宛宛天投蛭多謝中書君伴我此幽棲

雷州八首

白髮坐鉤黨南遷瀕海州灌園以糊口身自雜蒼頭

籬落秋暑中碧花蔓牽牛誰知把鋤人舊自東陵侯
荔子無幾何黃柑遽如許遷臣不惜日恣意移寒暑
層巢俯雲木信美非吾土草芳自有時鷓鴣何關汝
下居近流水小巢依嶺岑終日數椽間但聞鳥遺音
爐香入幽夢海月明孤斟鷓鴣一枝之所恨非故林
培塿無松柏駕言此焉游讀書與意會却掃可忘憂
尺蠖以時屈其伸六非求得歸良不惡未歸且淹留
粵嶺風俗殊有疾皆勿藥束帶趨房祀用史巫紛若
絃歌薦爾采奴至洽觴酌呻吟殊未央更把鷓鴣灼
粵女市無常所至輒成區一日三四遷處處售緞魚

青裙脚不韞臭味襍與狙孰云風土惡白洲生綠珠
海康臘已酉不論冬孟仲殺牛搗鼓祭城郭為傾動
雖非堯頌曆自我先入用苦笑荆楚入嘉平臘雲夢
舊時日南郡野女出成群此去尚應遠東風已如雲
蚩氓託絲布相就通款懃可憐秋胡子不遇卓文君
五色菊贈朱遜之次韻

黃華候秋節遠自夏小正坤裳有正色鞠衣亦令名
一從人偽勝遂與天力爭易性偶一作非族改顏隨
所今新竒既易售粹駁宜一作相傾疾惡逢伯厚識
真似淵明君言我所印世論誰敢評願君為霜風一

洗紫與頰

姤佳月

狂雲妬佳月怒飛千里黑佳月不嗔曾何汙潔白
爰有謫仙人舉酒為三客今夕偶不見沈瀾念風伯
毋煩風伯來彼也易滅沒支頤少待之寒空淨無迹
粲粲黃金盤獨照一天碧玉繩慘無輝玉露洗秋色
浩漣玻璃瓊和光入胸臆使我能永延約君為莫逆
追和沈遼頰贈南華詩
善哉彼上人了知明鏡臺歡然不我厭肯致遠公材
莞爾無心雲胡為出岫來一堂安寂滅卒歲高蒼

夢雪

殘杯失春溫破被生夜悄開門千山白俯仰同一照
雖時出圭角固自絕瑕竅兒童勿驚恠調汝得一笑

雪林硯屏率魯直同賦

西山無時春巉巖鎖頑陰分明倚天壁點綴無風林
物固為入出興誰於此深窮竒真自靈詩句且娛心

次韻黃魯直赤目

誦詩得非子夏學紬史正作丘明書天公戲人亦薄
相略遣幻翳生明珠賴君年來屏鮮腴百千燈光同
一如書成自寫蠅頭表端就君王覓鏡湖

寄子由

吾謫海南子由謫雷被命即行了不相知至梧
乃聞其尚在藤也旦夕當追及作詩以示之
九疑聯綿屬衡湘蒼梧獨在天一方孤城吹角煙樹
裡落月未落江蒼茫幽人拊枕坐歎息我行忽至舜
所藏江邊父老能說子白鬚紅頰如君長莫嫌瓊雷
隔雲海聖恩尚許遙相望平生學道真實意豈與窮
達俱存亡天其以我為箕子要使此意留要荒他年
誰與作地志海南萬里真吾鄉

廣州何道士衆妙堂

湛然無觀古真人我獨觀此衆妙門夫物芸芸各歸
根衆一作中得一道乃存道人晨起開東軒趺坐一
醉扶桑暎餘光照我玻璃盃倒射窓几清而溫欲收
月魄殫日魂我自日月誰吐一作吞

南屏謙師妙於茶事自云得之於心應之
於手非可以言傳學到者十月二十七日

聞軾遊壽星寺遠來設茶作此詩贈之

道人曉出南屏山來試點茶三昧手忽驚千琰兔毫
斑打作春甕鴉兒酒天台乳花世不見玉川風腋今
安有東坡有意續茶經會使老謙名不朽

琴枕

中郎不眠仰看屋得此古椽圍尺竹輪困獲落非笛
材破作細琴徽軫足流傳幾處到淵明卧枕綸巾酒
初漉鴛鴦別鶴誰復聞鼻息麴麴自成曲

中王畫馬圖

天寶諸王愛名馬千金爭致華軒下當時不獨玉花
駉飛電流雲絕瀟灑兩坊岐薛寧與申憑陵內廐多
清新肉駿汗血盡龍種紫袍玉帶真天人驟山射獵
色原隰御前急詔穿圍入揚鞭一感破霜蹄萬騎如
風不能及鷹飛克走驚弦開翠華接繼後天回五家

錦繡變通一作

山谷百里烏珥遺織埃青驟蜀棧兩一作

鳥越忽高準濃娥散荆棘回首追風趁日飛一作首

飛五陵佳氣春蕭瑟

奉和成伯大雨中會客解朝

樂事難并真實語坐排用意多乖誤興來取次或成
懽瓦鉤却踈黃金注我生禍患久不擇肯為一時風
雨阻天公變化豈有常明月行看照歸路

和公濟飲湖上

昨夜醉歸還獨寢曉來宿雨鳴孤枕扁舟小棹截湖
乘正見青山駭雲錦須知老人興不淺莫學公榮不

共飲與君歌鼓樂豐年喚取千夫食陳廩

贈僧

道人自憐三世將棄家十年今始壯玉骨猶含富貴
餘漆瞳已照人天上去年相見古長千衆中矯矯如
翔鷲今年過我江西寺病瘦已作霜松寒朱顏不辨
供歲月風中高火湯中雪好問君家黃面翁乞得摩
尼照生滅莫學王郎與支遁臂鷹走馬憐神駿還君
畫圖君自收不如未人騎土牛

周教授索枸杞因以詩贈錄呈廣倅蕭大
夫

鄴侯藏書手不觸嗟我嗜書終日讀短檠照字細如
毛怪底昏花懸兩目扶衰賴有王母杖名字於今掛
仙錄荒城古壑草露寒碧葉叢低紅荷粟春根夏苗
秋著子尽付天隨耻充腹蘭傷桂折緣有用爾獨何
損丹其族贈君慎勿比薏苡採之終日不盈掬外澤
中乾非爾儻歛藏更借秋陽曝雞壘桔梗一稱帝堇
也雖尊等臣僕時復論功不汝遺異時謹事東籬菊

次韻董夷中茶磨

前人初用茗飲時煮之無問葉與骨寢窮味曰始
用復計其初碾方出計盡功極至於磨信哉智者能

創物破槽折杆向墻角亦其遭遇有伸屈歲久講求
知處所佳者出自衡山密巴蜀石工強鑄鑿理殊性
軟良可吐予家江陵遠莫致歷土何人為披拂

送公為遊淮南

負米萬里緣其親運甓無度憂其身讀書莫學流麥
士挾榮莫比亡羊人迺翁辛苦到白首汝今強勉當
青春昔時管鮑以君霸此兩士賈寧非貧

謝蘇自之惠酒

高士例須憐麴藥此語嘗聞退之說我今有說殆不
然麴藥未必高士憐醉者墜車莊生言金酒未若全

於天遠人本自不虧缺何暇更求全處全景山沉迷
阮籍傲畢卓盜竊劉伶顛貪狂嗜恠無足取世俗喜
異矜其賢杜陵詩客尤可笑羅列八子叅群仙流涎
露頂置不說為問底處能逃禪我今不飲非不飲心
月皎皎長孤圓有時客至亦為酌琴雖未去聊忘絃
吾宗先生有深意百里雙鬢遠將寄且言不飲固亦
高舉世皆同吾獨異不如同異兩俱冥得鹿亡羊等
嬉戲決頂飲此勿復辭何用區區較醒醉

西山戲題武昌王居士

予往在武昌西山九曲亭上有題一白玄鴻橫

豨黃擗峴九曲亭即吳王峴山一山皆擗葉其
旁即元結陂湖也黃花極盛因為對云皓鶴下
浴紅荷湖坐客皆笑同請賦此詩

江干高居堅關扃捷耕躬稼角掛經篙竿繫舸菰茨
隔笳鼓過軍鷄狗驚解襟顧景各箕踞擊劍賡歌幾
舉觥荆筭供膾愧攬臚乾鍋更憂甘瓜羨

戲和正甫一字韻

故居劍閣隔錦官柑果薑蕨交荆管竒孤甘掛汲古
綆僥覲敢揭鈎金竿已歸耕稼供藁結公貴幹蠱高
半冠改更白梅吞塞吃姑因狡獪加間關王方平謂麻姑云姑

少年吾老矣不須
作此交會變化也
池上二首

小池新鑿會天雨一部鼓吹徒何來有若正善亂草
色時初出沒南隈井幹跳梁亦足樂洞庭魚龍何
有哉詠歌德教莫八月清池與爾俱忘回

不作人白夢一造還同樂天賦池上池上新年有荷
葉細雨魚兒戲輕浪男兒學易不應舉幽人一交吾
得尚此池便可當長江欲榜茅齋來蕩漾

贈仲素寺丞致仕歸隱潛山

潛山隱君七十四紺瞳綠髮方謝事腹中靈液變丹

砂江上坐，足連福地。彭城為我駐三日，明月滿舟同
一醉。丹書細字，口傳訣，願我沉迷真棄耳。年來四十
髮，心蒼始欲求方，救憔悴。他年若訪潛山，居慎勿進
人改名字。

魯直以詩餽雙井茶，次韻為謝。

江自無雙，種奇茗，法陰六一。誇新書，磨成不敢付，僮
僕自看雪湯，生幾珠列仙之儒，瘠不腴，只有病渴同
相如。明年我欲東南去，畫舫何妨宿太湖。歸田與井

在鄂一畫詩宿太
湖北清真茶故事

揚州以土物寄少游

鮮鯽經年，松醪醱，醱團臍紫蟹，脂填腹。後春尊，齒活如
酥先，杜薑芽肥，勝肉壳子，繫累何足道。點綴盤飧，亦
時欲淮南，風俗事，瓶甕方法，相傳竟留蓄，且同千里
寄鵝毛，何用孜孜飲麩麻。

贈雲秀

白雲出山初，無心棲鳥，何必戀山林。道人偶愛山水
故，縱步不知湖嶺深。空巖已禮百千相，曹溪更欲瞻
道像，要知水味孰冷，暖始信夢時非。幻妄衲中忽出
貝葉書，中有鮮月，在星球。人間勝絕略已遍，江廬南
嶺并西湖。西湖北望三千里，大堤冉冉橫秋水。誦師

佳句說南屏瘴雲應逐秋風靡胡為只作十日歡杖
榮復尋歸路難留師筍蕨不足道悵望荔子何時丹

再過泗上二首

眼明初見淮西樹十客相逢九吳語
旅程已付夜帆風客睡不妨背船雨
黃柑紫蟹見江海紅稻白魚飽
兒女慙慙買酒謝船師才里勞君勤轉櫂
繫舟淮北雨折軸繫舟淮南風
斷橋客行有期日月疾歲事欲晚
霜雪驕山根浪頭作雷吼縮手敢試舟
師篙不用燃犀照幽怪安須拔劍斬長蛟

贈李兄弟或秀才

魏王大瓠實五石種成濩落將安適
可憐公子持十年海上三年竟何得
先生少負不羈才從軍數到單于臺
天山直欲三箭取白衣將軍何人執
夜逢怪石曾飲羽戲中戟技何足數
誓將馬革裹尸還肯學班超苦兒女
封侯衛霍知幾許老矣先生困羈旅
酒酣聊復說平生結襪猶堪一再鼓
棄書捐劍學萬人統袴儒冠皆誤身
窮途政似不龜手與世羞為西子顰
如今惟有談天口雲夢胸中吞八九
世間萬事寄黃梁且與先生說烏有

次韻謝子高讀淵明傳

枯木嵌空微黠淡古葩雖在無古絃袖中正有南風
手誰為聽之誰為傳風流豈落正始後甲子不數義
熙前一山黃菊平生事無酒令人意缺然

龐公

襄陽龐公少檢束白髮不髡亦不俗世所奔趨我獨
棄我已餘彼不足庶門有月樹下行虎溪無風舟
上宿不識當時捕魚客但愛長康盡金粟杜口如今
不復言龐公為人不由局東西有人問老翁為道明
燈照華屋五言七言正兒戲三行五行亦偶爾我性
不飲六解醉正如春風弄群卉四十年來同幻事老
去何須別愚智古人不住亦不滅我今不作亦不止
寄語悠悠世上人浪生浪死一埃塵洗墨無池筆無
冢聊爾作戲悅吾神

送呂行甫司門倅河陽

結交不在久傾蓋如平生識子今幾日送別亦有情
子生公相家高義久崢嶸天才既超詣世故亦屢更
譬如追風驥豈免羈與纓念我山中人久與麋鹿并
誤出掛世網舉動俗所驚歸田雖未果已覺去就輕
河陽豈云遠出處恐異程便當從此別有酒無徒傾

食雉

雄雉曳脩尾鷲飛向日斜空中紛格鬪綠羽落如花
宣呼勇不顧投網復誰差百錢得一雙新味時所佳
烹煎雜鷄鶩爪距漫搓牙誰知化為蜃海上落飛鴟

雙鳧觀在葉

王喬古仙子時出觀人衆常為漢郎吏厭世去無還
雙鳧偶為戲聊以鷲世頑不然神仙迹羅網安能攀
紛紛塵埃中銅印紆青綸安知無隱者竊笑彼愚姦

郭綸綸本河西子箭手屢戰有功不賞自
黎州都監官滿貧不能歸今權嘉州

河西猛士無人識日暮津亭閱過船路人但覺駘馬

瘦不知鐵槩大如椽因言西方久不戰截髮願作萬
騎先我當憑軾與寓目看君飛矢射蠻蠻

初發嘉州

朝發鼓闐闐西風獵畫旂故鄉飄已遠往意浩無邊
錦水細不見蠻江清更鮮奔騰過佛脚曠蕩造平川
野市有禪客釣臺尋暮烟相期定先到久立水潺潺

是日期鄉僧宗一
會別釣魚臺下

捷為王氏書樓

樹林幽翠滿山谷樓觀突兀起江濱云是昔人藏書
處嘉落萬卷今生塵江邊日出紅霧散綺窓畫閣青

氛氲山猿悲嘯谷泉響野鳥啾啾巖花春借問主人
今何在被甲遠戍長苦辛先登搏戰事斬級區區何
者為三墳書生古亦有戰陣葛中羽扇揮三軍古入
不見悲世俗回首蒼山空白雲

過宜賓見表中亂山

江寒晴不知遠見山上日朦朧合高峰晃蕩射峭壁
橫雲忽飄散翠樹紛歷歷行人抱孤光飛鳥投遠碧
蠻荒誰復愛穠秀安可達豈無避世士高隱鍊精魄
誰能從之遊路有豺虎迹

夜泊牛口

日落江霧生繫舟宿牛口居民偶相聚三四依古
負薪出深谷見客喜且售煮蔬為夜飧安識肉與酒
朔風吹茅屋破壁見星斗兒女自矜愛亦是樂且久
人生本無事苦為世味誘富貴耀吾前貧賤獨難守
誰知深山子甘與麋鹿友置身落蠻荒生意不自陋
今予獨何者汲汲強奔走

牛口見月

掩窓窅已睡月脚垂孤光披衣起周覽飛露洒我裳
山川同一色浩若涉大荒幽懷耿不寐四顧獨彷徨
忽憶丙申年京邑大雨滂蔡河中夜決橫浸國南方

車馬無復見紛紛
揀拔郎新秋忽已晴
九陌尚汪洋
龍津觀夜市燈火
亦煌煌
新月皎如畫
疎星弄寒芒
不知京國喧謂是
江湖鄉
今來牛口渚
見月重淒涼
却思舊遊處
滿陌沙塵黃

舟中聽大人彈琴

彈琴江浦夜
涌水歛衽竊聽獨
激昂風松瀑布已清
絕更愛玉珮聲
琅璫自從鄭衛亂
雅樂古器殘
缺世已忘
千年寥落獨
琴在有如老仙不死
閱興亡
世人不容獨
反古強以新
曲求鏗鏘
徽音淡弄忽變轉
數聲浮脆如笙簧
無情枯木今尚爾
何況古意墮渺茫

江空月出入響絕
夜闌更請禪文王

泊南牛口期任遵聖
長官到晚不及見復
來

江上有微狂
深榛煙雨埋
崎嶇欲取別
不見又重來
下馬未及語
固已慰長懷
江湖涉浩渺
安得與之偕

江上看山

船上看山如走馬
倏忽過去數百群
前山槎牙忽變態
後嶺雜遝如驚奔
仰看微逕斜繚繞
上有行人高縹緲
舟中舉手欲與言
孤帆南去如飛鳥

留題仙都觀

山前江水流浩浩山上蒼蒼松栢老舟中行客去紛紛古今換易如秋草空山樓觀何崢嶸真人王遠陰長生飛符術氣朝百靈悟道不復誦黃庭龍車虎駕來下迎去如旋風搏紫清真人厭世不回顧世間生死如朝暮學仙度世豈無人食霞絕粒長辛苦安得獨從道送君冷然乘風駕浮雲超世無有我獨行

屈原塔

在忠州原不當有塔於此意者後人追思故為作之

楚人悲屈原千歲意未歇精魂飄何父老空哽咽

至今滄江上投飯救飢渴遺風成競渡叫楚山裂

屈原古壯士就死意甚烈世俗安得知眷眷不忍決

南賓舊屬楚山上有遺塔應是奉佛人悲子就淪滅

此事雖無憑此意固已切古人誰不死何必較考折

名聲實無窮富貴亦暫熱大夫知此理所以持死節

西山詩和者三十餘人再次前韻為謝

朱顏數過如春醅胸中黎藁初未裁丹砂未易掃白

髮赤松却欲參黃梅寒溪本自遠公社白蓮翠竹依

崔嵬當時石泉照金像神光夜發如五臺飲泉鑒面

得真意坐視萬物皆浮埃欲收暮景返田里遠游江

水窮誰堆遠朝豈獨羞老病自歎才盡傾空壘諸公

渠渠若夏屋吞吐風月清隅隈我如廢井久不食古

甃缺落生陰苔數詩往復相感發汲新除舊寒光開
遙知二月春江闊雪浪倒卷雲峰推石中無聲水亦
靜云何解轉空山雷欲就諸公評此句一作要識憂
喜何後來頭求南宗一勺水往與屈賈前餘哀

新灘

扁舟轉山曲未至已先驚白浪橫江起槎牙似雪球
番番從高水一一投澗坑大魚不能上暴鬣一作灘
下橫小魚散復合澆潏如遭烹鷓鴣不敢下飛過兩
翅輕白鷺野瘦捷挿脚還歌傾區區舟上人薄技安
敢呈只應拜頭廟賴此牛酒盈

新灘阻風

北風吹寒江來自兩山口初聞似搖扇漸覺平沙走
飛雲激岸谷舞電穿窓牖灘下三日留識盡一作
前叟孤舟倦鳴軋短纜困牽綵嘗聞不終朝今此何
其久只應留遠人此意固亦厚吾今幸無事閉戶為

飲酒

昭君村

昭君本楚人艷色照江水楚人不敢娶謂是漢妃作
家子誰知去鄉國萬里為胡鬼人言生女作門楣昭
君當時憂色哀古來入事盡如此反覆縱橫安可知

黃牛廟

江邊石壁高無路上有黃牛不服箱廟前行客拜且
舞擊鼓吹簫屠白羊山下耕牛苦曉曉兩角磨崖四
蹄濕青芻半束長苦飢仰看黃牛安可及

蝦蟇塔

墓背似覆玉蓋頤如偃月謂是月中墓開口吐月液
根源來甚遠百尺蒼崖裂當時龍破山此水隨龍出
入江江水濁猶作深碧色稟受苦潔清獨與凡水隔
豈惟煮茶好釀酒應無敵

蜀題峽州甘泉寺姜詩

輕舟橫江來弔古悲純孝逶迤尋迹迹婉孌見遺貌
清泉不可挹涸盡空石窖古人飄何之唯有風竹閑
行行翫村落戶戶懸經單民風坦和平開戶夜無鈔
叢林富笋如平野絕虎豹嗟哉此樂鄉無乃姜子教

寄題清溪寺在峽州鬼谷

口舌安足恃韓非死說難白知不可用鬼谷乃真姦
遺書今未亡小數不足觀秦儀固新學見利不知患
嗟時無桓文使彼二子顛死敗無之恠夫子固使然
君看巧更窮不若愚自安遺宮若有神領首然吾言
赴嶺未過金陵蔣山泉老名食阻雨不及

富貴本無往世人自榮枯

今日江頭天色惡，碾車雲起風雨歇。一作獨望鍾山

呼寶公雲間白塔如孤鶴，寶公骨冷叫不聞，却有老

泉來喚人電眸虎齒霹靂舌，為余吹散千峰雲，南行

萬里亦何事，一酌曹溪知水味，他年若畫蔣山圖，為

作泉公喚居士

荆門惠泉

泉源從高來，走下隨石脉，紛紛白沫亂，隱隱蒼崖折

繁回成曲沼，清澈見肝膈，泉瀉為長溪，奔駛蕩堦

初開不容挽，漸去已如帛，傳聞此山中，神物賴

遭請不能致，雷雨灑灑吐寒碧，遂今山前人千古，灌

稻多

次韻荅荆門張都官維見和惠泉詩

楚人少井飲，地氣常不洩，蓄之為惠泉，挈若有所折

泉源本無情，豈問濁與澈，貪愚彼二水，終古恥莫雪

只應所處然，遂使語異別，泉旁地平衍，泉上山嵒嶮

君子慎所居，此義安可闕，古人貴言贈，取用況高節

不為久霜乾，肯畏夏日烈，泠泠但不已，海遠要當徹

荆陽早發

富貴本先定，世人自榮枯，賢鄙好名心，嗟我豈獨無

不能便退縮但使進少徐我行念西國已分田園燕
南采竟何事碌碌隨商車自進苟無補乃是懶且愚
人生重意氣出處夫豈徒永懷江陽叟種藕春滿湖

夜行觀星

天高夜氣嚴列宿森就位大星光相射小星鬧若沸
天人不相干嗟彼本何事世谷強指摘一一立名字
南箕與北斗乃是家人龜天亦豈有之無乃遂自謂
迫觀知何如遠想倘有以茫茫不可曉使我長歎喟

漢水

捨棹忽逾月少塵困遠行襄陽逢漢水偶似蜀江清

蜀江固浩蕩中有蛟與鯨漢水亦云廣欲涉安敢輕
文王化南國遊女儼如卿洲中流沙子環珮鏘鏘鳴
去風隨世變秋水空泠泠過之不敢慢佇立整冠纓

萬山

而行度連山北出臨漢水漢水感成潭旋轉山之趾
輝焉久已壞古甃含清泚下有仲宣欄綆刺深容指
回頭望西北隱隱龜背起傳云古隆中萬樹桑柘美
月烟轉山曲山上見洲尾綠水帶平沙盤盤如抱珥
山川近且秀不到懶成恥陶之安能詳畫地費簪箕

隆中

諸葛來西國千年愛未衰今朝遊故里蜀客不勝悲
誰言襄陽野生此萬乘師山中有遺跡矯矯龍之姿
龍蟠山水秀龍去湖潭移空餘蜿蜒迹使我寒涕垂
竹葉酒

楚人汲漢水釀酒古宜城春風吹酒熟猶似漢江清
耆舊何人在丘墳應已平惟餘竹葉在留此千古情

鱖魚

曉日照江水遊魚似玉甃誰言解縮頸貪餌每遭烹
杜老當年意臨流憶孟生吾今又悲子鞞筋涕縱橫

望夫臺

在忠州南
數十里

山頭孤石遠亭亭江轉船回石似屏可憐千古長如
昨船去船來自不停浩浩長江赴滄海紛紛過客似
浮萍誰能坐待山月出照見寒影高伶俜

永安宮

今夔之永安門
即宮之遺址

千古陵谷變故宮安得存徘徊問耆老惟有永安門
遊人雜楚蜀車馬晚喧喧不見重樓好誰知昔日尊
吁嗟蜀先主兵敗此亡魂只應法正死使公去遭燔

八陣墳

平沙何茫茫髮髯見石藎縱橫滿江上歲歲沙水齧
孔明死已久誰復辨行刑神兵非學到自古不留訣

至人已心悟後世徒妄說自從漢道衰蜂起盡燕傑
英雄不相下禍難久連結驅民市無煙戰野江流血
萬人賭一擲殺盡如沃雪不為久遠計草草常無法
孔明最後起意欲掃群孽崎嶇事節制隱忍久不決
志大遂成迂歲月去如瞥六師紛未整一旦英氣折
唯餘八陣圖千古壯夔峽

諸葛益井

井有十四自山下至山上其十
三井常空盛夏水漲則益泉
運去常去於
江之水所不及

五行水本鹹安擇江與井如何不相入此意薄誰省
人心固難之物理偶相逢猶嫌取未多井上無閑綆

穎大夫廟

人情難強回天性可微感世人爭曲直苦語費搖撼
大夫言何柔暴主意自慘荒祠旁孤塚古隧有殘坎
千年惟茅焦世亦貴其膽不解此微言脫衣徒勇敢

許州西湖

西湖小雨晴灑灑春渠長來從古城角夜半傳新響
使君欲春遊浚沼後千掌紛紛具畚鍤鬧若蟻運壤
天桃弄春色生意寒猶快唯有落殘梅標格若矜爽
遊人空已集挈榼三且兩醉客卧道傍扶起尚偃仰
池臺信宏麗貴與民同賞但恐城市歡不知田野愴

穎川七不登野氣長蒼莽誰知萬里客湖上獨長想
江上值雪效歐陽體限不以益玉鶴鷺絮
蝶飛舞之類為比仍不使皓白潔素等字
縮頸夜眠如凍龜雪來唯有客先知江邊曉起浩無
際樹杪風多寒更吹青山有似少年子一夕變盡滄
浪巖方知陽氣在流水沙上盈尺江無漸隨風顛倒
紛不擇下滿坑谷高陵危江空野闊落不見入戶但
覺輕絲絲沾裳細看若一作刺鏤豈有一一天工為
霍然一麾遍九野吁此權柄誰執持世間苦樂知有
幾今我幸先沾膏肌山夫只見壓樵擔豈知帶酒飄

歌兒天王臨軒喜有來宰相獻壽嘉及時凍吟書生
筆欲折夜織貧女寒無悻高人著屐踏冷冽飄拂巾
帽真仙姿野僧斫路出門去寒液滿鼻清淋漓洒絕
入袖濕靴底亦有執版趨塔堦舟中行客何所愛願
得獵騎當風披草中咻咻有寒兔孤隼下擊千夫馳
敲冰煮鹿最可樂我雖不飲強倒危楚人自古好戈
獵誰能往者我欲隨紛紛旋轉後滿面馬上操筆為
賦之

渚宮

渚宮寂寞依古郢楚地荒茫非故基二王其臺閣已鹵

莽相東上高氏 何況遠問縱橫時 楚王獵罷擊靈鼓 猛士

操舟張水嬉 釣魚不復數 魚鼈大鼎千石烹 蛟螭當

時 郢人架宮殿 意思絕妙般 與倭飛樓百尺照湖水

上有燕趙千娥眉 臨風揚揚意自得 長使宋玉作楚

詞 秦兵西來取鍾虜 故宮禾黍秋離離 千年壯觀不

可復 今之存者蓋已卑 池空野迥樓閣小 惟有綠竹

截狐狸 臺中絳帳誰復見 臺下野水鴨作浮清漪 綠

窗朱戶春晝閑 想見深屋彈朱絲 腐儒亦解愛景色

何用白首談孔姬 沙泉半涸州堂在 破窓無紙風飈

颼 陳公蹤跡最未遠 七瑞寥落今何之 百年人事知

幾變直恐荒廢成空陂 誰能為我訪遺迹 草中應有

出峽

湘東碑

入峽喜嶮崑 出峽愛平曠 吾心淡無累 遇境即安暢

東西徑千里 勝處頗屢訪 幽尋遠無厭 高絕每先上

前詩尚遺略 不錄久恐忘 憶從巫廟回 中路寒泉漲

汲歸真可愛 翠碧光滿盞 忽驚巫峽尾 岩腹有穿壙

仰見天蒼蒼 石室開南嚮 宣尼古廟宇 叢木作幃帳

鐵插橫半空 俯瞰不計丈 古人誰架構 下有不測浪

石甃見天圉 瓦棺悲古奠 新灘阻風雪 村落去携杖

亦到龍馬溪郊屋沾村釀玉虛悔不至實為舟人誑
聞道石最奇寤寐見恠狀峽山富奇偉得一知幾喪
苦恨不知名歷歷但想像今朝脫重險楚水渺平蕩
魚多客庖足風順行意王追思偶成篇聊助舟人唱

神女廟

大江從西來上有千仞山江山自環擁恢詭富神茲
深淵鼉鼉橫去巨壑蛇龍頑推陽斬長蛟雷雨移蒼
灣蜀守降老寒至今帶連鏢縱橫若無主蕩逸侵人
寰上帝降瑤姬來處荆巫間神仙豈在猛玉座幽且
閑飄蕭駕風馭狷節朝天闕倏忽巡四方不知道里
親古粧具法服遠殿羅煙鬢百神自奔走雜沓來趨
班雲興靈恠乘雲散鬼神遠茫茫夜潭靜皎皎秋月
彎還應搖玉珮來聽水潺潺

巫山

瞿塘迤邐盡巫峽崢嶸起連峯稍可恠石色變蒼翠
天工運神巧漸欲作奇偉峽軋勢方深結構意未遂
旁觀不暇瞬步步造幽邃蒼崖忽相通絕壁凜可憐
仰觀八九頂俊爽凌顛氣晃蕩天宇高崩騰江水沸
孤楚死不讓直拔勇無畏攀緣見神宇憇坐就石位
嶢嶢隔江波一一問廟吏遙觀神女石綽約誠有以

俯首見斜曩拖霞弄脩帔人心隨物變遠覺含深意
野老咲吾旁少年嘗屢至去隨猿獠上反以繩索試
石笋倚孤峰突兀殊不類世人喜神恠論說蘄幼稚
楚賦亦虛傳神仙安有是次問掃壇竹云此今尚爾
翠葉紛下垂婆娑綠鳳尾風來自偃仰若為神物使
絕頂有三碑詰曲古篆字老人那解讀偶見不能記
窮探到峯背採斫黃楊子黃楊生石上堅瘦紋如綺
貪心去不顧澗谷千尋絕山高虎狼絕深入坦無忌
洪濠艸樹密葱蒨雲霞膩石竇有洪泉甘滑如流髓
終朝自盥漱冷冽清心胃浣衣掛樹梢磨斧就石鼻
徘徊雲日晚歸意念城市不到今十年衰老筋力憊
當時伐殘木牙葉已如臂忽聞老人說終日為嘆喟
神仙固有之難在忘勢利貧賤爾何愛棄去如脫屣
嗟爾苦無還絕粮應不死

觀大水望朝陽巖作

朝陽巖前不結廬下眺江水百步餘春泉濺濺出乳
竇青沙白石半淅涂不到津頭二三日誰知江水漲
天墟遙望橫盃不敢濟巖口正有人冒魚

滄洲亭懷古

湘水悠悠天際來夾江古木抱山回城中人物若可

數日晏市散多蒼苔九疑峴天古雲埋遙想帝子龍
車迴心哀目極何可望九歌窸寂令人哀

栢家渡

栢家渡西日欲落青山上下猿鳥樂欲因新月望吳
雲遙看北斗掛南嶽一夢惓惓四十秋古人不死終
未休艸舍蕭條誰與語香風欲過白蘋洲

清遠舟中寄耘老

小寒初渡梅花嶺萬壑千岩背人境清遠聊為泛宅
行一夢分明墮鄉井覺來滿眼是湖山鴨綠波搖鳳
凰影海陵居士無雲梯歲晚結廬頽水湄山腰自懸

蒼玉珮野馬不受黃金羈門前車蓋獵獵走笑倚清
流數鬢絲汀洲相見春風起白蘋吹花散烟水萬里
飄蓬未得歸目斷滄浪淚如洗北鴈南來遺素書苦
言大浸沒我廬清齋十日不燃鼎曲突徃徃巢龜魚
今年玉粒賤如水青銅欲買囊已虛人生百年如寄
爾七十朱顏能有幾有子休論賢與愚倪生枉却帶
經鋤天南看取東坡叟可是平生廢讀書

書堂興

蒼山古木書堂興北出湘川百餘步誰為徃來虧世
界至今人指安禪處豈無瀉地與飛鳥後采那復知

其趣不知我身今是否空記名稱作常住

次履常臘梅韻

天工點酥作梅花此有蠟梅禪老家蜜蜂采花作黃
蠟取蠟為花亦其物天工變化誰得知我亦兒嬉作
小詩君不見萬松嶺上黃千葉玉蕊檀心兩奇絕醉
中不覺度千山夜聞梅香失醉眠歸來却夢尋花去
夢裡花仙覓奇句此間風物屬詩人我老不飲當付
君君行適吳我適越笑指西湖作衣鉢

醉睡者

有道難行不如醉有口難言不如睡先生醉卧此石

問萬古無人知此意

戲詠子舟畫兩竹兩鸚鵡

風晴日暖搖雙竹竹間對語雙鸚鵡鸚鵡之肉不可
食人生不才果為福子舟之筆利如錐千變萬化皆
天機未知筆下鸚鵡語何似夢中蝴蝶飛

老翁井

井中老翁悞年華白沙翠石公之家公來無蹤去無
跡井面團圓水生花翁今與世兩何與無事紛紛
牧豎改顏易服與世同無使世人知有翁

贈山谷子

黃童三尺世無雙筆頭衮衮懸秋江不憂老子難為
父平生崛起強今心降我來喜共阿戎語應敵縱橫如
急雨生子遂如孫仲謀豚犬謾多何足數黃家小兒
名拾得眉如長松眼如漆只今數歲已動人老人留
眼看他日笑君老蚌生明珠自笑此物吾家無君當
置酒我當賀有兒傳業更何須

觀子玉郎中草聖

柳侯運筆如電閃子雲寒悴羊欣儉百斛明珠便可
扛此書非我誰能僕

鱸魚行

湖臺人散長弓射初散鱸魚人未識西陵老總帳
空肯向北河親饋食兩雄一律盜漢家嗜好亦若肩
相差食每對之先太息不因噎嘔緣瘡痂中間霸據
關梁隔一枚何啻千金直百年南北鮭菜通往往殘
餘飽臧獲東隨海舶號倭螺異方珍寶來更多磨沙
滌瀦成大截剖蚌作脯分餘波君不聞蓬萊閣下馳
碁島八月邊風備胡獠船舶船跋浪雷鼉震長鏡鏗處
崖谷倒膳夫善治薦華堂坐令雕俎生輝光肉芝石
耳不足數醋羌魚皮真倚墻中都貴人珍此味糟泥
油藏能遠致割肥方厭萬錢厨決甞可醒千日醉三

韓使者金鼎來方奩饋逸煩輿臺遼東太守遠自獻
臨菑掾吏誰為材吾生東歸收一斛包苴未肯鎖華
屋分送羹材作眼明却取細書防老讀

次韻水官詩

淨因大覺禪師以閣立本畫水官遺編禮公公
既報之以詩謂某汝亦作某頓首再拜次韻仍
錄二詩為一卷以獻

水官騎蒼龍龍行欲上天手攀時且住浩若乘風船
不知幾何長足尾猶在淵下有二從臣左右乘魚鼈
雙鑠相顧視風舉衣袂翻女子侍君側白頰垂雙鬢

手執難尾扇容如未開蓮後者八九人非鬼非戎蠻
出水未成列先登揚旗擅長刀擁旁牌白羽注強拳
雖服甲與裳狀貌猶鯨鱣水獸不得從仰面以手扳
空虛走雷霆雨雹晦九川風師黑虎囊面目昏塵煙
翼後三神人萬里朝天闕我從大覺師得此詭恠編
畫者古閻子于今三百年見者誰不愛予者誠已難
在我猶在子此理寧非禪報之以好詞何必畫在前

老泉

高人豈學畫用筆乃其天譬如善游人一能操船
閻子本逢掖疇昔慕雲淵丹青偶為戲染指初嘗鼈

愛之不自已筆勢如風翻傳聞正觀中左社解椎鬣
南夷羞白雉佛國貢青蓮詔令擬王會別殿寫戎蠻
熊冠金絡額豹袖攤播擅傳入應門內俯伏脫劍拳
天姿儼龍鳳雜沓朝鵬鱣神功與絕跡後世兩莫扳
自從李氏亡群盜竊山川長安三日火至寶隨飛煙
尚有脫身者漂流出東關三官豈容獨得此今已編
吁嗟至神物會合當有年京城諸權貴欲取百計難
贈以玉如意豈能動高禪信應一篇詩皎若畫在前

吊徐德占

余初不識德占但聞其初為呂惠卿所薦以處

士用元豐五年三月偶以事至蘄水德占聞余
在傳舍惠然見訪與之語有過人者是歲十月
聞其遇禍作詩吊之

美人種松柏欲使低映門栽培雖易長流惡病其根
哀哉歲寒姿骯髒誰與倫竟為明所悞不免刀斧痕
一遭兒女汚始覺山林尊後來覓棟梁未免傍籬藩
南山隔秦嶺千樹龍蛇奔大厦若果傾萬牛何足言
不然老巖壑合抱枝生孫死者不可悔吾將遺後昆

題李伯時淵明東籬圖

彼我愁阮曹終以明白膏靖節固昭曠婦來侶蓬蒿

新霜着疎柳大風起江濤東籬理黃華意不在芳醪
白衣挈壺至徑醉還遊越悠然見南山意與秋氣高

李白謫仙詩

我居青空裡君隱黃埃中蔽形不相弔心事難形容
欲乘明月光訪君開素懷天盃飲清露展翼登蓬萊
佳人持玉尺度君多少才玉尺不可盡君才無時休
對面一笑語共躡金鰲頭絳宮樓闕百千仞霞衣誰
與雲煙浮

數日前夢一僧出二鏡求詩僧以鏡置日
中其影甚異其一如芭蕉其一如蓮花夢

中興作詩

君家有二鏡光景如湛盧或長如芭蕉或圓如芙蓉
飛電着子壁明月入我廬月下合三璧日月鈔明珠
問子是非我我是非文殊

飲酒四首

我觀人間世無如醉中真虛空為銷殞况乃百憂身
惜哉知此晚坐令華髮新聖人驟難得日且致賢人
左手持蟹螯舉觴躡雲漢天生此神物為我洗憂患
山川同恍惚魚鳥共蕭散客至壺自傾欲去不得聞
有客遠方來酌我一甌茗我醉方不啜強啜忽復醒

既鑿渾沌氏遂遠華胥境操戈逐儒生舉觴還酌酊
雷觴淡於水經年不濡唇爰有擾龍裔為造英靈春
英靈韻甚高蒲萄難與鄰他年血食汝當配杜康神

大雪獨留尉氏

古驛無人雪滿庭有客冒雪來自北紛紛笠上已盈
寸下馬登堂面蒼黑苦寒有酒不能飲見之何必問
相識我酌徐徐不滿觥看客倒盡不留濕千門晝閉
行路絕相與笑語不知夕醉中不復問姓名上馬忽
去橫短策

阮籍嘯臺

在尉氏

阮生古狂達遁世默無言猶餘胸中氣長嘯獨軒軒
高情遺萬物不與世俗論歎息臨偶自寫激越蕩乾坤
醒為嘯所發飲為醉所昏誰能與之較亂世之自存

留別村通元弼坦夫

田三昔同寮向我每傾倒當年或齟齬反覆看愈好
寇三我部民孝悌化隣保有如袁伯業苦學到衰老
石生吾邑子勁立風中草宦遊齟生塵菽水媚翁媪
我窮交舊絕計拙集枯槁三子尤見存往復紛紛縞
迎我淮水北送我睢陽道願存金石契漂漂貫華皓
余歸自道場何山遇大風因憇耘老溪亭

命官如秉燭捧硯寫風竹一枝題詩云

更將掀舞勢把燭盡風篠美人為破顏憐此腰肢衰

和寄天選長官

寓形宇宙間快我方以老流光安足恃百歲同過鳥
頌子縈網羅文采緣自表自古山林人何曾識機巧
但記寒岩翁論心秋月皎黃香十年舊禪學叅衆妙
虛懷養天和肯徇奔走開官居職事理晨起何用早
桐陰滿西齋叱吏供灑掃眷子東南來野飯煮芹藜
葆光既清尚令尹亦高蹈相將古寺行軟語頽晚照
公家有畸人公有存人虛緣能自保卜築嵩山陽何

一作當從結好中山饒勝景一覽未易飽何時命巾

車共陟雲外嶠翻然一作筋力疲不復追躑跳公詩

擬南山雄拔千丈峭形容遠天真邂逅識其要藩籬

吾未窺敢議窮閭奧

昭陵六馬唐文皇戰馬也琢石象之立昭

陵前客有持此石本示予為賦之

天將剗隋亂帝遣六龍來森然風雲姿颯爽毛骨開

颺馳不及視山川儼莫回長鳴視八表擾擾萬駑駘

秦王龍鳳姿魯鳥不足摧腰間大白羽中物如風雷

區區數豎子搏取若提孩手持掃天六合如塵埃

艱難濟大業一一非常才維時六驥足績與英衛陪
功成鏘八鸞玉輅行天街荒涼昭陵闕古石埋蒼苔

顏闔

顏闔古有道躬耕自衣食區區魯小邦不足隱明德
輅軒來我門聘幣繼金璧出門應使者耕稼不謀國
但疑誤將命非敢憚行役使者反錫命戶庭空履迹
薄俗徇世榮截趾履之遠所重易所輕隋珠彈飛翼
伊人畏照影獨往就陰息鼎俎薦忠賢誰能死燔灸
念彼藏皮冠安知獲堯客

送朱世昌使蜀七首

鵲鵲書城雲娟娟峨眉月隨我西北來照我光不滅
我在塵土中白雲呼我歸我游江湖上明月濕我衣
岷峨天一方雲月在我側謂是山中人相望了不隔
夢尋西南路默數長短亭似聞嘉陵江跳波吹枕屏
送君無一物清江飲君馬路穿慈竹林父老拜馬下
不用鷲去裝使者我友生聽訟如家人細說為汝評
若逢山中文問我歸何日為話腰脚輕猶堪弄泉石

贈狄崇班季子

狄生臂鷹與見客不會揖踞床咤得雋借筋數禽入
短後掬豹裘猶濺猩血濕指呼索酒嘗快作長鯨吸

半酣論刀槊怒髮欲起立北方老獅子狂突尚不繫
要須此慄悍氣壓邊鋒急夜走追鋒車生斬活離級
持歸獻天王封侯穩可拾何為走獵師日使群毛泣

題盧鴻學士堂

昔為太室花盧岩在東麓直上登封壇一夜爾生足
徑歸不復往巒壑空在日安知有千老舒卷不盈軸
一處一盧生裘褐蔭喬木方為世外人行止何須錄
百年八篋筇大馬同一來嗟予縛世累歸未有如屋
江千百畝田清泉映脩竹尚欲逃世名豈須上圖軸

蘆

蘆筇初似竹梢開葉似蒲方春節袍甲漸老根生鬚
不愛當夏綠及此及秋枯黃葉倒風雨白花搖江湖
江湖不可到妙以植當動劬安得雙野鴨飛來成畫圖

寄周安孺茶

大哉天宇內植物知幾族靈品獨標奇迥超凡草木
名從姬旦始漸播桐君錄賦詠誰最先厥傳惟杜育
唐人未知好論著始於陸常李亦清深當年慕高躅
遂使天下士嗜此偶於俗豈但中土珍兼之異邦鷺
鹿門有佳士博覽無不購邂逅天隨翁篇章五寶續
開園顧山下屏跡松江曲有興即揮毫燦然存簡牘

伊予素寡愛嗜好本不篤越自少年時低回客京藪
雖非良楮者成屨或華屋頗見綺紈中送牙歌染肉
小龍得屢試糞土視珠玉團鳳與葵花砥砢雜魚目
貴人自矜惜捧玩且緘積未數日注卑定知雙并辱
於茲自研討至味識五六自爾入江湖尋僧訪幽獨
高人固多暇探究亦頗熟聞道早春時携簫赴初旭
驚雷未破雷采采不盈掬旋洗玉泉蒸芳馨豈停宿
湏臾布輕縷火供謹盈縮不憚頃間勞經時廢葺蓄
髻筒淨無染箸罷勻且複苦畏梅潤侵暖湏人氣煥
有如剉耿性不受纖芥觸又若廉夫心難將微穢瀆

晴天敞虛府石碾破輕綠永日遇閑賞乳泉發新馥
香濃奪蘭露色嫩欺秋菊閩俗競傳誇豐腴面如粥
自云菜家白頗勝中山醪好是一杯深午窓春睡足
清風擊兩腋去欲凌鴻鵠嗟我樂何深水經亦屢讀
■子吃中冷次乃康王谷蠅培項曹嘗瓶罌走僮僕
如今老且懶細事百不欲美惡兩俱忘誰能強追逐
薑薑拌白土稍稍從吾蜀尚欲外形體安能徇心腹
由來薄滋味日飯止脫粟外慕既已矣胡為此羈束
昨日散幽步偶上天峯麓山圃正春風蒙茸萬旗簇
呼兒為佳客採製聊亦復地僻誰我從已戲置厨簾

何嘗較優劣但喜破睡速況此夏日長人間正炎毒
幽人無一事午飯飽蔬菽因卧北窓風風微動因竹
乳甌十分滿人世真局促意爽飄欲仙頭輕快如沐
昔人固多癖我癖良可贖為問劉伯倫胡然枕糟麩
余自城中還道中雲氣自山中來如群馬
奔突以手撥開籠收其中歸家雲盈籠開
而放之作捲雲篇

物役會有時星言從高駕道逢南山雲歎吸如電過
竟誰使令之袞袞從空下龍移相排抄鳳舞或類亞
散為東郊霧凜作枯樹稼或飛入吾車福仄人時瞻

博取置笥中提攜反茅舍開緘仍放之掣去仍變化

雲子汝歸山無使達官怕

游山呈通判承議寓寄參寥師

煌煌世胄餘夫子非碌碌由来有詩書所以能絕俗
得官本河朔瓜期未易侵扁舟下南來逸駕追鳴鶴
遇勝即徜徉風餐兼露宿嗟予偶傾蓋一笑外羈束
杖策每過後相携訪山谷東風披鮮雲繡錯出林麓
松門有時盡幽景無斷續崖轉聞鐘磬林疎見華屋
銜山餘落景歸迹猶躑躅誰云鄰下歡往事不可復
吾曹二三事取樂亦云足願公寄新詩一一能見錄

船頭行北歸囊橐有美玉塵埃京洛人亦與洗心目

和郭功父韻送芝道人游隱靜

觀音妙智力應感隨緣度芝師訪東坡寧辭萬里步
道義偶相契十年同去住行窮半世間不欲浮盃渡
我願焚囊鉢不作陳俗具會取却歸時只是而今路

次韻魯直戲贈

昨夜試微涼汗衾初退紅我願隨秋風隨身入房櫳
君王不好事只作好鶩鴻細看卷蠹尾我家真栗蓬

夜坐與邁聯句

清風來無邊明月翳復吐自松聲滿虛空竹影侵半

戶蕙暗枝有鶩鵲壞壁鳴飢鼠自露葉耿高梧風

落空廡遇微涼感團扇古意歌白紵自樂哉今夕游

復此陪杖屨過傳家詩律細已自過宗武短詩膝上

成聊以慰懷祖自

寄傲軒

先生與妙年一掃千禿禿仕進固有餘不肖踐場屋

通關何所傲傲名非傲俗定知軒冕中享榮不償辱

豈無自安計得失猶轉轂先生獨揚揚憂患莫能瀆

得如虎挾乙失若龜藏六茅簷聊寄寓俛仰亦自足

東坡無邊春方寸盡藏蓄醉哦傍若無獨侑一樽醪

床頭車馬道殘月掛疎木朝客紛擾時先生睡方熟
榆

我行汴堤上厭見榆陰綠千株不盈畝斬伐同一束
及居幽囚中亦復見此木蠹皮溜秋雨病葉埋墻曲
誰言霜雪苦生意殊未乏坐待春風至飛英覆空屋

槐

憶我初來時艸木向衰歇高槐雖蘢秋晚蟬猶抱葉
淹留未云幾離離見疎茨栖鴉寒不去哀叫飢啄雪
破巢帶空枝疎影掛殘月豈無兩翅羽伴我此愁絕

竹

今日南風來吹亂庭前竹低昂中音會甲刃紛相觸
蕭然風雪意可折不可折風霽竹已一作亦回猗猗散
青玉故山今何有秋雨荒籬菊此君知健否歸掃南

軒曲

栢

故園多珍木翠栢如蒲葦幽囚無與樂百日看不已
時來拾流膠一作未忍踐落子當年誰所種少長與
我齒仰視蒼蒼幹所閱固多矣應見李將軍膽落温

御史

問淵明

或曰東坡此詩與淵明反此非始
言也蓋亦相引以造意言者未始

相非也元祐
五年十月日

予知神非形何復異人天豈惟三才中所在靡不然
我引而高之則為星斗懸我散而卑之寧非山與川
三皇雖云沒至今在我前八百要有終豈祖非永年
皇皇謀一醉發此露槿妍有酒不辭醉無酒斯飲泉
立善求我譽飢人食饒涎委運憂傷生憂一作去生
亦遷縱浪大化中正為化所纏應盡便湏盡寧復事
此言

題雲龍草堂石磬

折為督郵腰懸作山人室殊非濮上音信是泗濱石

朱衣墓

昔日朱公子雄豪不可追今來遊故國大塚屈稱兒
平日輕公相千金棄若遺梁人不好事名字寄當時
魯史盜齊豹求名誰復知慎無怨世俗猶不遭仲尼

嚴顏碑

先生及劉璋兵意頗不義孔明古豪傑何乃為此事
劉璋固庸主誰為死不二嚴子獨何賢談笑傲碓几
國亡君已執嗟子死誰為何人刺山石使我空涕淚
吁嗟斷頭將千古為病憐

峴山

遠客來自南游塵昏峴首過關無百步曠蕩吞楚蕪
登高忽惆悵千載意有偶所憂誰復知嗟我生苦後
團團山上檜歲歲閱榆柳大才固已殊安得同永久
可憐山前客倏忽星過雷賢愚未及分來者當自剖

驪山

君明如天深幾重君王如帝坐法官人生難處是安
穩何為來此驪山中復道淩雲接金闕樓觀隱煙橫
翠空林深霧晴迷八駿朝東暮西勞六龍六龍西幸
峨眉殘悲風便入華清院霓裳蕭散羽衣空縵縵來
將俵鶴怨我七朝元春半老滿地落花無人掃羯鼓

樓高掛夕陽長生殿古生青草可憐吳楚兩醯雞繁
臺未就已堪悲長楊五柞漢幸免江都樓成隋自迷
由來留連多喪國宴安酖毒因奢惑三風十愆古所
戒不必驪山可亡國

和子由除日見寄

薄官驅我西遠別不容惜方愁後會遠未暇憂歲夕
強歡雖有酒吟酌不成席秦烹惟羊羨隴饌有熊脂
念為兒童歲屈指已成昔往事今何追忽若箭已釋
慮時嗟事變所得不償失府卒來驅難矍鑠遠客
愁來豈有魔煩汝為攘磔寒梅與凍杏嫩蕊初似麥

攀條為惆悵玉葉何時折不憂春艷晚行見棄夏燬
人生行樂耳安用聲名籍胡為獨多感不見膏白炙
詩來苦相覓子意遠可射依依見其面短子在咫尺
兄今雖小官幸忝佐方伯北池近西鑿中有泝水碧
臨池飲美酒尚可消永日但恐詩力弱闕徒未免餒
詩成十日到誰謂千里隔一月寄一篇憂愁何足擲

次韻范淳父送秦少章

宿緣在江海世網如予何西來度公塵已滯長淮波
十年淮海人初見一麥禾但欣爭訟少未覺舟車多
秦郎忽過我賦詩如卷阿白法本黃子二豪與指磨

嗟我久離群近將老西河後生多名士欲薦空悲歌
小范真可人獨肯勤收羅瘦馬識駮耳枯桐得雲和
近聞館李生病鶴借一柯贈行若說我妙語慙誇沈
西卷已解仇烽火連朝那坐籌付公等吾將寄潛沓



Vertical columns of handwritten text in Chinese characters, likely bleed-through from the reverse side of the page. The text is arranged in approximately 10 columns, with varying lengths and some characters appearing to be in a specific script or dialect. The ink is dark and somewhat faded, especially in the lower sections of the page.

